

**Siunnersuut uunga: Aningaasarsianit akileraarutit pillugit inatsisartut  
inatsisaata allanngortinneranik Inatsisartut inatsisaat nr. xx., uu. qq 2008-  
imeersoq**

(Umiarsuarni timmisartunilu nammineq inuttut sulinerup  
akileraartussaatitaassutaanerata, nunami allami illuutinut atasumik taarsigassarsiat  
erniaasa ilanngaataasarnerisa killilerneqarata erseqqissarnerat kiisalu akuersissutinik  
pigisaqartut ilaasa il.il. amigartoorutnik kinguartiterisinnaatitaanerisa  
annertusineqarnera)

**§ 1**

Aningaasarsianit akileraarutit pillugit inatsisartut inatsisaanni nr. 12, 12. november  
2006-imeersumi, kingullermik inatsisartut inatsisaatigut nr. 11, 15. november 2007-  
imeersukkut allannguuteqartinneqartumi, allannguutigitinneqassapput makku:

**1. § 1, imm. 2-tut nutaamik ilanngunneqassapput:**

"Imm. 2. aalajangersakkami imm. 1, nr. 2-imi taaneqartutut inunnut atuupportaaq,  
sulisussarsiarineqarsimallutik umiarsuarni timmisartuniluunniit imaluunniit  
taakkununnga atatillugu isumagineqartumik nammineq inuttut sulinermigut  
suugaluartumilluunniit akissarsiaqartoq, umiarsuaq timmisartorluunniit:

- 1) nunami maani angerlarsimaffeqartutut nalunaarsorsimappat,
- 2) Danmarkimi, Savalimmiuni nunaniluunniit allani angerlarsimaffeqartutut  
nalunaarsorsimappat, umiarsuaq timmisartorluunniit inuttaqanngitsoq selskabimit  
assigisaanilluunniit, § 1, imm. 1, nr. 3-miit 14-imut, § 2, imm. 1, nr. 10-12-umut  
amma 14-imi aalajangersakkat malillugit akileraartussaasumit, imaluunniit  
inuinnarmit imm. 1, nr. 1 aamma 2, § 2, imm. 1, nr. 10-12 aamma 14-imi  
aalajangersakkat malillugit akileraartussaataasumit assartuinermut atorneqarpat,
- 3) Aammalu pigineqarluni ingerlanneqarluniluunniit umiarsuaateqarfimmit  
timmisartuuteqarfimmilluunniit pisortavii numami maani suliffeqartut, imaluunniit
- 4) maani nunami ikinnerpaamik qaammatini arfinilinni aalajangersimasumik  
inissisimaneqartarluni.

Malittarisassat nr. 1-miit 3-mut atorneqassanngillat umiarsuaq timmisartorluunniit  
inuttaqartinnagu danskit, savalimmiormiut nunamiluunniit allamiut  
umiarsuaatileqatigiiffiannit timmisartuutileqatigiiffiannilluunniit atorneqarpat."

Imm. 2 matuma kingorna imm. 3-tut inissinneqassaaq.

**2. § 2, imm. 1-imi, nr. 1-imi piiarneqarput:**

"imaluunniit umiarsuarni timmisartuniluunniit Kalaallit Nunaanni  
angerlarsimaffeqartutut nalunaarsorneqarsimasuni,".

**3. § 2, imm. 1-imi, nr. 17-itut nutaamik ilanngunneqassapput:**

"17) umiarsuarni timmisartuniluunniit imaluunniit taakkununnga atatillugu isumagineqartumik nammineq inuttut sulinermigut suegaluartumilluunniit akissarsiaqartoq, umiarsuaq timmisartorluunniit:  
a) nunami maani angerlarsimaffeqartutut nalunaarsorsimappat,  
b) Danmarkimi, Savalimmiuni nunaniluunniit allani angerlarsimaffeqartutut nalunaarsorsimappat, umiarsuaq timmisartorluunniit inuttaqanngitsoq inunnik arlaqartunik assigisaanilluunniit, § 1, imm. 1, nr. 3-miit 14-imut, § 2, imm. 1, nr. 10-12-imut aamma 14-imi aalajangersakkat malillugit akileraartussaasumit, imaluunniit inuinnarmit § 1, imm. 1, nr. 1 aamma 2, § 2, imm. 1, nr. 10-12 aamma 14-imi aalajangersakkat malillugit akileraartussaatisaasumit assartuinermut atorneqarpas,  
c) Aammalu pigineqarluni ingerlanneqarluniluunniit umiarsuaateqarfimmit timmisartuuteqarfimmiilluunniit pisortavii numami maani suliffeqartut imaluunniit  
d) maani nunami ikinnerpaamik qaamatini arfinilinni aalajangersimasumik inissisimaneqartarluni.

Malittarisassat litra a-miit c-mut atorneqassanngillat umiarsuaq timmisartorluunniit inuttaqartinnagu danskit, savalimmiormiut nunamiluunniit allamiut umiarsuaatileqatigiiffiannit timmisartuutileqatigiiffiannilluunniit atorneqarpas."

**4. § 15, imm. 4 imatut oqaasertalerneqassaaq:**

"Imm. 4. Kalaallit Nunaata avataani illumik pigisaqartup akileraarutaasussanik isertitanut ilanngutissangilai:

- 1) isertitat aningaasartuutilu,
- 2) illup pissarsiarineranut ingerlanneranulluunniit atukkanik taarsigassarsiat erniaat,
- 3) taarsigassarsiat illu qularnaveeqquisiullugu taarsigassarsianut ernianut aningaasartuutit".

**5. § 29, imm. 1-imi "Kalaallit Nunaanni atortussiassat aatsitassanit pisut il.il. pillugit inatsit naapertorlugu," kingornagut ilanngunneqassapput: "sermip erngullu avammut nioqqutissatut atorneqarnissaat pillugu inatsisartut inatsisaat,".**

**6. § 30, imm. 8-mi " Kalaallit Nunaanni atortussiassat aatsitassanit pisut il.il. pillugit inatsit naapertorlugu," kingornanut ilanngunneqassapput: "sermip erngullu avammut nioqqutissatut atorneqarnissaat pillugu inatsisartut inatsisaat,"**

**7. § 32, imm. 3-mi "Kalaallit Nunaanni atortussiassat aatsitassanit pisut il.il. pillugit inatsit naapertorlugu," kingornagut ilanngunneqassapput: "sermip erngullu avammut nioqqutissatut atorneqarnissaat pillugu inatsisartut inatsisaat,"**

**8. § 68, imm. 2 aamma 3 oqaasertalerneqassapput imatut:**

"Imm. 2. Attuumassuteqarneq imm. 1-imi taaneqartoq sumiiffimmut kommunit aggornerisa avataaniittumut ilaappat, imaluunniit akileraartussaatisaasoq Kalaallit Nunaanni atortussiassat aatsitassanit pisut il.il. pillugit inatsit, sermip erngullu avammut nioqqutissatut atorneqarnissaat pillugu inatsisartut inatsisaat naapertorlugin atuinissaminut akuersissummik tunineqarsimappat akileraaruserivik kommunit akileraarfittut isigineqassaaq. Akileraartussaatisaasoq Kalaallit Nunaanni atortussiassat aatsitassanit pisut il.il. pillugit inatsit, sermip erngullu avammut nioqqutissatut atorneqarnissaat pillugu inatsisartut inatsisaat naapertorlugit

atuinissaminut akuersisummik tunineqarsimanermigut misissueqqissaarnissaminut akuerineqarsimappat akuerineqarninilu malillugu taamaallaat ingerlatsippat, kiisalu akileraartussaatitaasunut § 32, imm. 3-mi pineqartunut ilaasunut akileraaruserivik kommunitut akileraarfittut aammattaaq isagineqassaaq.

*Imm. 3. Kommunalbestyrelsi imaluunniit akileraartussaatitaasoq isumaqarpata akileraartussaatitaasumut kommune akileraarfissaq toqcarneqartoq eqqortuunngitsoq ukiup aningasarsiorfiusup pineqartup naannginnerani akerliliissut kommunimi akileraarfittut toqcarneqartumi kommunalbestyrelsimit tunniunneqarsinnaavoq. Kommunitut akileraarfittut toqcarneqartoq akileraaruseriviuppat, imm. 2 naapertorlugu, akerliliissut akileraaruserivimmut tunniunneqassaaq. Nalornisoortoqartillugu akileraaruseriviup aalajangiiffigissavaa kommuni sorleq akileraarfittut isagineqassanersoq. Taamaattorli akileraaruserivik kommunitut akileraarfittut toqcarneqarsimatillugu nalornissoortoqarpat Naalakkersuisut aalajangiisuusussaapput.".*

**9. § 85-imi "1. april" allanngortinneqassaaq uunga: "1. maj".**

## § 2

Inatsit atortuulerpoq ulloq 1. januar 2009.

*Namminersornerullutik Oqartussat, ulloq uu. qqqq 2008*

Hans Enoksen

/

Aleqa Hammond